

DISSERTATIO ACADEMICA  
HISTORIAM DOCTRINÆ  
DE  
AFFINITATIBUS CHEMICIS

EXHIBENS,

CUJUS PARTEM DECIMAM QUARTAM  
CONSENSU AMPLISS. FAC. PHIL. ABOËNS.

PRÆSIDE

MAG. JOHANNE GADOLIN,

CHEMIÆ PROFESSORE PUBL. ET ORD., COLLEGII IMP. MED. ASSESSORE ET  
EQUITE ORD. IMPER. DE ST. WOLODIM, IN IV:TA CLASSE; ACAD. IMP. SCIENT.  
PETROPOL, ET SOCIET. LIE. OECONOM. PETROP. MEMBRO CORRESP., SOCIET.  
IMPER. NATURÆ STUDIOSOR. MOSCOWIT., SOCIET. IMP. OECON. FENN., ACAD.  
CÆSAR. NAT. CURIOS. ERLANG., REGG. ACADD. ET SOCIETT. SCIENTT. HOL-  
MIENSIS, DUBLINENSIS, UPSALIENSIS, GÖTTINGENSIS, SOCIET. ANTEHAC MED.  
CHIRURG. ET PHARMAC. DRUXELLENSIS, SOCIETATIS PHYSIOGRAPH. LUNDEN-  
SIS, SOCIET. MINERALOG. JENENSIS, SOCIET. SCIENT. NATURAL.  
MARBURGENSIS MEMBRO.

PRO GRADU

PUBLICO EXAMINI SUBJICIT

AUGUSTUS WILH. WALLENIUS,

STIPEND. PUEL. BOREALIS.

IN AUDIT. PHILOS. DIE *XVII* FEBR. MDCCCXIX.

H. A. M. S.

---

ABOÆ, TYPIS FRENCKELLIANIS.

*Theses*

36.

Per oxidationes successives converti solent corpora inflammabilis in substantias basicas, neutras, & acidas, prout ex accidente † E, propria illorum electricitas — E gradatim ita modificatur, ut tandem virtus ex † E promineat.

37.

Acida cum basibus facilime conjuguntur & arctissimis necluantur vinculis, quia & remotas habent electricitates a conjunctione alienas, & viribus dotata sunt halomeleogeniorum se mutuo fortiter appetendi.

38.

Multo minor est acidorum inter se invicem, aut basium affinitas, quia admodum parva vel nulla in eis habentur halomeleogencorum diversitas.

39.

Corpora inflammabilia cum acidis eatenus conjuguntur, quatenus participes fieri possint halomeleogenei ipsorum, atque ita composita minus oxidata producere.

40.

Talem inflammabilium conversionem raro efficere valent bases saline, quarum ex halomeleogenio vires parum differunt a natura electricitatis inflammabilibus adhaerentis.

41.

Cum basibus conjungi videntur corpora inflammabilia vi affinitatum inter ipsa utrorumque substrata. Itaque, cum conjunctioni vix faveat halomeleogenium baseos, facile destruitur connubium ab addito quocunque acido, cuius, vi sui halomeleogenii, vehementior est nifus ad societatem baseos.

42.

Cum indubia testari videantur phænomena, quod in salibus magis compositis sœpius duæ pluresve bases cum dato acido, nec non interdum duo vel plura acida cum data basi ad constantes proportionum leges consociata sint, dubitare non licet, quin ista quoque salium elementa homologa, per aliquas suæ electricitatis diversitates prona sint, ad connubia inter se jungenda.

43.

Phænomena, quibus plurima acida, ut etiam bases saline & salibus sejungi non videntur, nisi adjungatur ipsis aqua, ita non esse interpretanda contendimus, ut aqua apud acida locum baseos, & apud bases locum acidi teneant, squidem in utroque casu affectiones partium salinarum per aquam nullatenus saturatione quadam destruantur aut diminuantur, quin ita demum perspicue fiant.

Sic investigata natura salium per quattuor jam memorata acida formatorum, comparandæ ipsi erant quantitates horum acidorum, quæ saturationi datæ cujusque baseos sufficerent, quas etiam secundum constantem aliquam legem ordinatas esse augurabatur. Mox quidem observavit has quantitates neutiquam efficere terminos seriei cujusdam arithmeticæ ratione progredientis, detexit vero easdem filtere terminos in progressione geometrica ita crescentes, ut seriei locum insimum occupet quantitas acidi fluorici, quam littera  $c$  significavit, secundum quantitas acidi muriatici per  $cd^3$  notanda, tertium quantitas acidi sulphurici, valore  $cd^5$ , & quartum quantitas acidi nitrici valore  $cd^7$  significanda. Hunc eundem ordinem æqualiter competere vidit salibus qui magnesiam, aut calcem, aut barytam, aut alterutrum trium alkalium pro basi habuerunt. Sed in salibus per aluminam formatis eam invenit diversitatem, ut, repræsentata quantitate acidi fluorici illam saturantis per  $c$ , & acidi sulphurici ad saturationem ejus necessarii per  $cd^4$ , esset quantitas acidi muriatici saturantis  $cd^6$ , acidi sulphurici in sulphate acido  $cd^8$  & acidi nitrici  $cd^{10}$ . In singulis hisce seriebus varia fuit, pro diversitate baseos, significatio litteræ  $c$ . Posita enim ubique baseos quantitate  $= 1$ , habebatur in salibus aluminam foventibus  $c = 0,484$ , in salibus, quæ magnesiam continent,  $c = 0,6964$ , in salibus per calcem formatis,  $c = 0,5385$ , in salibus quæ barytam pro basi habent,  $c = 0,1985$ , in iis quæ ammoniacam fovent,  $c = 0,6717$ , in iis quæ sodam,  $c = 0,351$ , in iis quæ potasam,  $c = 0,2662$ . In omnibus vero constans fuit valor ipsius  $d = 1,1854$ . Certe inopinatum ipso non fuit, quod in experimentis adeo multiplicibus subtilibusque subrepererent interdum majoris minorisve momenti errores, quapropter coactus fuit hic illic corrigere valores quantitatum & acidorum & basium, quos ipsa suggesit experientia, ut exæcte cum terminis illis ferierum quadrarent. Censuit tamen differentias simili correctione

&ione productas nullibi fuisse majoris, quam quæ ex viis in experiendo inevitabilibus sufficienter possent explicari (52).

Animadvertisit tandem, quantitates sic definitas diversorum acidorum non esse veras mensuras affinitatum, quibus ipsa eum basibus conjungantur, siquidem variables sint hæ affinitates, & quidem diversimode pro diversitate basium. Vedit namque acidum fluoricum in omni temperatura caloris, cunctas bases reliquis tribus acidis cedere, acidum vero muriaticum, nonnisi in calida temperatura, affinitatibus inferius esse acidis nitrico & sulphurico, similiterque acidum nitricum inferius esse sulphurico, & in frigore potentiora esse acida muriaticum & nitricum sulphurico ad se conjugendum cum magnesia, ammoniaca, soda & potassa.

Progressus porro est ad examinandas rationes inter acida corporum organicorum & diversas bases (6a). Et primum quidem naturam acetatum examinaturus cognovit quantitatem acidi acetici puri, cum e pondere acetatis calcis siccata substraxisset pondus calcis puræ inibi latentis. Aequalē hujus acidi quantitatem saturare vidit magnesiae & barytæ quantitates, quæ eandem quam proxime ad calcem habuerunt proportionem, qua in saturatis muriatibus & sulphatibus, sociatas esse compererat acidis datæ calcis quantitati respondentibus. Ex simili fundamento computando determinavit quantitatem terræ in acetate aluminae, quem alumina saturatum obtinere non potuerat. Acetates calcis & barytæ ex admixtis sulphatibus alkalium, salva neutralitate, ipsi porrexerunt sulphates terrarum insolubiles, documento non dubio, quod etiam quantitates alkalium acidum aceticum saturantium proportiones antea descriptas habeant.

Simi-

---

52) I. c. p. 101.

6a) *Neue Gegenstände der Chymie*, VI. Th.

Similiter facta cum sulphatibus mixtione servari comperit conditiones neutrales tartratum, citratum, oxalatum, sebatum (ex acido sebacico ad præscriptionem v. CRELLII parato), formiatum & succinatum. Aluminam observavit a plurimis horum acidorum non posse ad saturationem suscipi: attamen commutari videbantur per duplices affinitates, partes constitutivæ sebatum & formiatum ex aliis basibus tam saturatorum quam acidorum cum partibus sulphatum alumine neutrorum aut acidorum. Difficilius ipsi fuit exacte determinare quantitates singulorum horum acidorum, quæ datam saturarent basin. Cum enim examinando salia neutra optime siccata quantitates acidorum organicorum existimavisset & inter se contulisset, seriem obiinuit valde irregularem. Hujus anomalie causam derivandam esse putavit ex quantitate nondum satis explorata aquæ illa acida comitantis. Invenit acidum tartarium nudum, quantum fieri poterat, siccatum, aquæ copiam semper in situ sovere, in tartratis barytæ & ammoniacæ latere acidum magis concentratum, in ceteris vero tartratis optime siccatis magis aquosum esse acidum sive majore aquæ crystallificationis copia onustum, quam in crystallis acidi puri siccis. Similiter abundare observavit aquam in omnibus citratis. Aquam in crystallis acidi oxalici coalitam non nisi qua partem, sub efflorescentia earum sejungi intellexit, tantumque ejus portionem adhuc in oxalatis siccatis hæcere. In formate barytæ magis quam in aliis formatiis aqua privatum esse videbatur acidum. Inter succinates maxime siccus prodiit succinas potassæ, cum ceteri omnes plus continerent aquæ, quam ipsæ acidi succinici liberi crystalli. Neque ad tutam cognitionem quantitatis acidi omni aqua privati conducerunt investigata & inter se comparata pondera specifica liquorum ex variis proportionibus inter aquam & acidum quodvis solutum obtentorum. Itaque nulla alia ipsi restare videbatur via veras horum acidorum quantitates explorandi, quam quod comparationes institueret salium horum organico-rum

rum, quæ vel facultate in calore fatiscenti praedita esent, vel in aqua diversimode temperata plus minus solubilia, cum salibus mineralibus, quoad has proprietates illis simillimis, quorum proportio partium antea fatis cognita, quorumque aqua, vi ignis facilius suganda exactius jam definita fuerat. Sic vero tandem, iusta ubique adhibita correctione, quæ propter vitia experimentorum necessaria videbatur, ea lege determinatam obtinuit proportionem acidorum combustibilium cum data basi ad saturationem conjungendorum, ut horum quantitates efficerent terminos seriei geometricæ, in qua primum sive inimum locum occuparet quantitas acidi carbonici, quod itidem salva saturatione, ex carbonatibus alkaliniis ad terras cum alio acido saturatas transferri poterat, cujusque verum pondus ex examine carbonatis calciei facili negotio accurate fatis indagavit. Posita itaque quantitate acidi carbonici =  $a$ , & quantitate acidi sebacici (quam apprime congruere vidit cum quantitate acidi muriatici easdem bases saturantis) =  $ab^3$ , habebatur quantitas acidi oxalici =  $ab^4$ , acidi formici =  $ab^5$ , acidi succinici =  $ab^{11}$ , acidi acetici =  $ab^{14}$ , acidi citrici =  $ab^{15}$ , acidi tartarici =  $ab^{16}$ . Quæ series ex examine & comparatione salium, magnesiacorum primum eruta pariter convenire inveniebatur salibus neutrīs per alias bases, excepta alumina, formati, & alumineis, quæ parte acida abundarunt. Observavit insuper quantitates acidorum in tartratis & oxalatis alkalium acidis proprios earundem serierum locos occupare, cum acidi oxalici quantitas ita per  $ab^{14}$  & acidi tartarici per  $ab^{26}$  significanda sit. In omnibus his acidorum seriebus littera  $b$  constanter eundem repræsentavit numerum 1,06965,  $a$  vero varios habuit valores pro diversitate basium, primum efficiens cujusque seriei membrum, quod in serie salium alumineorum erat = 1097,2, magnesiacorum = 937,7, calcareorum = 726,6, baryteorum = 259,4, ammoniacorum = 906, sodeorum = 473,5, potassiorum = 359,2.

Quod

Quod ad arithmeticas series, quæ quantitates basium respectu cujusque acidi exhibent, monuit RICHTER in iis variis esse, pro quovis acido, valorem primi termini *a* appellati, qui inter terras representat aluminam & inter alkalia ammoniacam, valorem vero differentiæ terminorum five *b*, pro quoquis acido constantem esse in serie basium terrearum, alium vero itidemque constantem in serie basium alkalinarum,

Cum interea auctus eset numerus terrarum chemicis cognitarum nova specie *frontianæ*, ad hanc quoque examinandam & cum reliquis terris comparandam properavit RICHTER (6b). Primum ex quantitate frontianæ in muriate & sulphate ejus reperta conclusit huic terræ in serie arithmeticæ antea memorata locum competere termini *a* + 11 *b*, quod certius ipsis confirmatum fuit, cum videret huic estimationi apprime convenire solubilitatem frontianæ in acido muriatico a KLAAPROTH determinatam (6c), ut etiam proportionem inter acidum carbonicum & terram in carbonate frontianæ, per præcipitationem, a se obtento. Sed animadvertisit deinde dilcrepare hanc proportionem a determinatione partium in carbonate frontianæ, secundum analysin KLAAPROTHI atque cum de novo perscrutatus eset phænomena muriatum atque sulphatum (6d), collegit tandem ex omnibus hisce tentaminibus, quod frontianæ assignandus sit seriei locus *a* + 9 *b*, atque quod sic definita ejus quantitas accurate congrueret cum analysibus cunctorum salium neutrorum frontianæ cum aliis acidis. Simulque detexit erroneam fuisse determinationem quantitatis *sodæ* in serie alkalium, neque non emendatione egere quan-

6b) *Neue Gegenstände der Chymie.* VII St.

6c) *Beyträge zur chemischen Kenntniß der Mineralkörper.* I B.  
S. 279.

6d) *Neue Gegenstände der Chymie.* VIII St.

quantitatem ammoniacæ assignatam. Quibus observatis, talem stabilitatem esse ordinem alkalium autumavit, ut, posita quantitate ammoniacæ acidum quodvis saturantis =  $a$ , & quantitate sodæ =  $a + b$ , esset quantitas potassæ =  $a + 5b$ .

Si jam vires affinitatum chemicarum potissimum dependent e quantitatibus substantiarum ad datam quamvis materiam affinium, omnimoda necessario ubique adesset harmonia inter ordinem affinitatum & quantitates saturationi sufficienes. At ex nonnullis a RICHTERO allatis exemplis affinitatum elementivarum patuit nimiam esse inter has rationes discrepantiam. Conspectui exposuit series affinitatum acidi sulphurici & acidi muriatici ad diversas bases via humida in temperatura atmosphærae vulgari exploratarum, & seriem affinitatum magnesiæ ad diversa acida in calore ad temperaturam aquæ ebullientis prope accidente indagatarum, numero cuivis substantiæ apposito significans quantitatem ejus necessariam pro saturanda unitate materiæ sibi affinis. Sic sequentes prodierunt affinitatum repræsentationes (60).

#### ACIDI SUL-

PHURICI ad barytam 2,222; frontianam 1,392; calcem 0,793;  
potassam 1,604; sodam 0,858; magnesiam 0,614;  
ammoniacam 0,612; aluminam 0,525.

#### ACIDI MU-

RIATICI ad barytam 3,119; frontianam 1,866; potassam 2,255;  
sodam 1,206; calcem 1,114; magnesiam 0,864; am-  
moniacam 0,944; aluminam 0,738.

MAGNESIÆ ad acidum oxalicum 1,297; ac. sulphuricum 1,630;  
ac. fluoricum 0,696; ac. arsenicicum 3,352; ac.  
succinicum 1,966; ac. nitricum 2,290; ac. mu-  
riaticum 1,160; ac. tartaricum 2,754; ac. citri-  
cum 2,574; ac. aceticum 2,407; acidum carbo-  
nicum 0,973.

In

---

60) Neue Gegenstände der Chymie. X. St. S. 189.

In his exemplis videbatur ordo affinitatum simplicium inter utrumque acidum & diversas terras, similiterque inter acida & diversa alkalia eundem esse ac ordinem quantitatum utriusque basium generis. Quod vero aliter sese praesentarent quantitates omnium basium una consideratarum, non omnino repugnare existimavit RICHTER eidem legi, cum præcipitationes nonnullorum salium ex pluribus commixtis non semper propter majorem inter horum partes constitutivas affinitatem, sed saepius simul propter minorem ad aquam solutionis affinitatem succedant, proptereaque verus affinitatum ordo alias sine dubio esset quam qui ex observationibus deducebatur. Ordinem affinitatum inter datam basin & diversa acida, qui minime respondebat quantitatibus acidorum suspicatus est proportionem sequi radicalium in acidis latentium, quoniam invenerat maximam esse copiam radicalis in acido sulphurico, minorem in acido nitrico & adhuc minorem in acido muratico (6f).

Cum ex experimentis RICHTERI supra memoratis innotescat eandem esse proportionem inter quantitates omnium acidorum datam quamvis basin saturantium, similiterque eandem esse proportionem cunctarum basium datam cuiusque acidi quantitatem saturantim, patet quod ex cognita una serie basium & una serie acidorum, facili computatione exhiberi possit series basium, quae æqualem posideant facultatem datum quocunque aliud acidum saturandi, atque series acidorum quæ cuicunque basi sufficient, & quod omnium ha-

---

6f Ibid. S. 179. Quantitates oxygenii in acido sulphurico & nitrico determinavit ex augmentis ponderum, quæ corpora inflammabilia, vi illorum oxidata acquisiverunt. Oxygenii vero in acido muriatico quantitatem deduxit ex hypothesi, quod sit ratio oxygenii acidi hujus ad oxygenium acidi muriatici oxygenati eadem ac ratio oxygenii in acido nitrolo ad oxygenium in acido nitrico.

harum substantiarum relationes, unica serie possint representari. Hoc quidem animadverterat ipse RICHTER (6g). Primum vero hujus expositionis specimen obtulit FISCHER (6h), qui, posita quantitate acidi sulphurici = 1000, & consideratis simul valoribus acidorum sebacici, phosphorici & formici, quos quidem exploratos habuerat RICHTER, in seriebus autem suis præterit, quoniam loca ipsis convenientia, secundum suum systema progressionum assignare non poterat, ex tentaminibus RICHTERI deduxit, unumquodque acidum æqualiter saturari a partibus

ALUMINÆ 525; MAGNESIÆ 615; AMMONIACÆ 672;  
CALCIS 793; SODÆ 859; STRONTIANÆ 1329;  
POTASSÆ 1605; BARYTÆ 2222.

Unicuique harum basium æqualiter saturandæ sufficere, aucta tabula FISCHERI nominibus acidorum metallicorum, secundum experimenta RICHTERI invenimus partes

ACIDI FLUORICI	427;	ACIDI CARBONICI	477;
ACIDI VOLFRAMICI	702;	ACIDI SEBACICI	706;
ACIDI MURIATICI	712;	ACIDI OXALICI	755;
ACIDI PHOSPHORICI	979;	ACIDI FORMICI	988;
ACIDI SULPHURICI	1000;	ACIDI SUCCINICI	1209;
ACIDI CHROMICI	1372;	ACIDI NITRICI	1405;
ACIDI ACETICI	1480;	ACIDI CITRICI	1583;
ACIDI TARTARICI	1694;	ACIDI ARSENICICI	2057;
ACIDI MOLYBDICI	2252;	ACIDI ARSENICOSSI	3242.

Jure

6g) *Neue Gegenstände der Chymie.* XI St. Vorrede.

6h) *BERTHOLLETS Geschichte der Verwandschaft,* übersetzt von FISCHER  
Berlin 1802.

Jure quoque reprehendit FISCHER affectationes RICHTERI, series basium per progressiones arithmeticas & series acidorum per geometricas representandi, atque ita leges affinitatum mathematice definiendi. Conspicuum enim est, omnes numeros, quæcumque sit crescentia lex, considerari posse ut termini seriei aut arithmeticæ aut geometricæ, ubi plura hic illuc vacua sint intervalla, & facile quidem magis regularem obtineri seriei formam, si detur licentia, quam sibi summis RICHTER, numeros experimentis detectos, prout visum fuerit, nonnihil aut augendi aut minuendi (6i).

Acida metallicæ peculiarem seriem efficere judicavit RICHTER arithmeticæ ratione progredientem. Examinatis enim salibus neutris illorum per magnesiam natis, vidit unam magnesiac partem saturari ab acidi wolframici partibus 1,144, acidi chromici p. 2,237, acidi arsenicici p. 3,555, acidi molybdici p. 3,659, acidi arsenicosi (f. oxidi arsenici albi) p. 5,285. At positis  $a = 1,144$ , &  $b = 0,276$ ; obtinuit  $a + 0 b = 1,144$ ;  $a + 4 b = 2,248$ ;  $a + 8 b = 3,552$ ;  $a + 9 b = 3,628$ ;  $a + 15 b = 5,284$  (6k).

Ad cognoscendam naturam salium metallicorum, sive quorum bases metallicæ sunt indolis, specialis ipsi adhibenda fuit cura, cum innotesceret, has bases cum acidis conjungi non tam per affinitates metallorum ad acida, quam potius, simul saltē, per ipsorum metallorum, sive substratorum metallicorum ad oxygenium affinitates. Quo vero hanc historiæ nostræ partem justo ordine persequamur, breviter in antecedens percensere conabimur documenta ejus rei jam a BERGMANNO & KIRVANO data.

BERG-

6i) Cfr. *Essai de Statique Chimique* per C. E. BERTHOLLET I Partie.  
p. 137, 138.

6k) *Neue Gegenstände der Chymie*, X St. p. 155 — 158.

BERGMAN, quod sciamus, primus certo ostendit, non modo, quod neutiquam ipsa metalla, sed oxida eorum cum acidis conjungantur, & quod sales ita formati vix ab aliis oxidis, s̄ep̄issime autem a variis metallis dirimantur, quo ipso sub forma metallica comparent quæ antea fuerant oxidata, sed etiam, quod iuvariatus semper sit ordo, quo se se mutuo reducant ac præcipitent metalla, cujuscunque naturæ sit acidum solvens: & quod propterea, licet vi duplicium affinitatum peragantur hæ præcipitationes, præcipitate tamen earum causæ sint inæquales calcium metallicarum ad phlogiston attractiones (6l). Vedit porro, constantem plerumque esse proportionem inter quantitates dati cuiusque metalli præcipitantis, & metalli præcipitati (6m), indeque computari posse judicavit quantitatum phlogisti in metallis proportiones. Cum enim oxidetur metallum præcipitans simulac ad formam metallicam transeat oxidum ab acido quodam solutum, evidenter patuit, illud eandem phlogisti quantitatem perdere, quam hoc suscepit, propterea ex inventa proportione quantitatum metalli antea soluti & metalli præcipitantis, illiusque locum post præcipitationem tenentis, detectam simul esse proportionem phlogisti reducentis in utroque metallo, quæ illius proportionis inversa sit. Has ut indagaret, experimenta instituit cum solutionibus argenti, quod a plurimis aliis hac via reduci & præ-

6l) *Comment. de diversa phlogisti quantitate in Metallis* §. 2: & *de attractionibus electivis* §. 48.

6m) Animadvertisit quidem, pro diversitate acidorum nonnunquam diversas quantitates metalli præcipitantis necessarias fuisse ad reducendum & præcipitandum datum quoddam metallum, quo phænomeno indicari putavit, quod metalla diversis acidis adhærent varie dephlogisticata, (*de div. phlog. quant. in metallis.* §. 5). Hæ tamen exceptiones a regula generali non impediunt, quomius metallorum proportiones generatim ut constantes respiceret,

præcipitari possit, atque cum zinco, quod solutionibus plurimorum metallorum additum hæc sub forma metallica præcipitet. Et quamvis plures obstante difficultates, quominus per hæc experimenta exactissime cognosceret relativas omnium metallorum quantitates, cum veritate tamen proxime congruere judicavit sequentes phlogisti rationes in dato cujusque metalli pondere, scilicet in *plumbo* 43 - 47; *bismutho* 57 - 64; *hydrargyro* 74 - 80; *argento* 100; *arsenico* 109; *stanno* 114; *antimonio* 120 - 127; *niccolo* 156; *zinco* 182; *magnesio* 196; *cobalto* 270; *cupro* 293 - 323; *ferro* 542; *auro* 594; *platino* 755 (6n). Neque dubitavit, quin pondera absoluta phlogisti reducentis in centenario cujusque metalli assignaret. Cum enim ex centum partibus carbonum vegetabilium, adfuso & ad siccitatem destillato acido sulphurico, obtinuerit 82 partes acidi carbonici, & ex iisdem igne ustis 3 partes substantiae cinereæ, judicavit 15 ponderis eorum partes efficere phlogiston (6o); atque cum comperisset 6 partes ferri cuius necessarias esse ad destruendum acidum nitricum in eodem nitri pondere, quod per unam carbonis partem, detonando, suo spoliatur acido (6p), manifestum esse creditit, quod pondera phlogisti in æqualibus carbonis & ferri cuius ponderibus sint respective ut 6 ad 1, atque quod phlogiston in centenario ferri æquipolleat libris 2,5. Sic vero adessent in 100 partibus *platinæ*, phlogisti partes 5,53, in *auro* 2,88, *ferro* 2,5, *cupro* 2,12 - 2,54; *cobalto* 1,97; *magnesio* 1,43; *zinco* 1,53; *niccolo* 1,11; *antimonio* 0,88 - 0,95; *stanno* 0,85; *arsenico* 0,80; *argento* 0,75; *hydrargyro* 0,54 - 0,53; *bismutho* 0,42 - 0,47; *plumbo* 0,31 - 0,34 (6q).

Aliam

6n) *Opuſe. Vol. III.* p. 151.

6o) Ibid. p. 440.

6p) Ibid. p. 51, 52.

6q) Ibid. p. 480.

Aliam ex experimentis BERGMANNI aestimationem ponderis phlogisti habuit KIRWAN, cum per 100 grana arsenici ex acido nitrico obtinuissest 102,4 pollices cubicos aëris nitroſi, quos grana 6,86 phlogisti fovere anteriora docuerant experimenta. Hinc conculſit, quod lateant partes phlogisti in 100 partibus auri 24,82; cupri 19,65; cobalti 17,01; ferri 14,67; zinci 11,46; niccoli 9,82; antimonii 7,56; stanni 7,18; arsenici 6,86; argenti 6,50; hydrargyri 4,56; bismuthi 5,59, plumbi 2,70 (6r).

Affinitates inter oxida metallica & phlogiston determinandas esse perhibuit KIRWAN tam a quantitate quam a densitate phlogistii in singulo metallo. Densitatem vero phlogisti in metallo non posse accurate indagari existimavit, quia incognitum est pondus specificum substantie metallicæ puræ, utpote quæ in oxido semper sociata sit cum aëre fixo. Judicavit tamen a veritate non multum ab ludere regulam: quod sint affinitates calcium metallicarum ad phlogiston in ratione directa gravitatis specificæ singulorum metallorum, & inversa quantitatis ipsarum calcium, in dato pondere cuiusque metalli latentium. Itaque secundum eam computavit affinitates calcium metallicarum ad phlogiston, seriemque ita ordinavit, ut in eadem repræsentaretur affinitas acidi sulphurici ad phlogiston sulphuris per 100. Illas tamen affinitates non semper coincidere censuit cum affinitatibus, quæ locum tenent inter oxida cum diversis acidis conjuncta & phlogiston ad reductionem eorum necessarium, quoniam in talibus metallicis pars phlogisti adhuc residenceat in substantia metalli, proptereaque minor evadat hujus affinitas ad phlogiston pro reductione desideratum, & quidem diversa pro diversitate

---

6r) *Philosophical Transactions* 1783. P. I. p. 61. Nonnihil dif-  
ferre videmus proportionem horum numerorum ab ea quam tra-  
dit BERGMAN, in primis respectu phlogisti in cupro atque fer-  
ro aestimati.